

官版

詩集傳

漢	書	門
二	四	八
一	六	八
冊	架	函
類	號	冊

內	閣	文	庫
漢	書	二	四
書	八	一	六
冊	架	函	冊
類	號	冊	架

內閣文庫	
番號	漢 8243
冊數	8 ( 7 )
函號	273 183




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





詩卷之十九

頌四



淺草文庫


朱熹集傳

頌者宗廟之樂歌。大序所謂美盛德之形容。以其成功告于神明者也。蓋頌與容古字通用。故序以此言之。周頌三十一篇。多周公所定。而亦或有康王以後之詩。魯頌四篇。商頌五篇。因亦以類附焉。凡五卷。

周頌清廟之什四之一

於音烏穆清廟。肅雝顯。

亮濟濟子禮多士秉



文之德對越在天駿音亦與於人斯韻未詳其說走在廟不顯不承無射

賦也於歎辭穆深遠也清清靜也肅敬雖和顯明相助也謂助祭之公卿諸侯也濟濟衆也多士與祭執事之人也越於也駿大而疾也承尊奉也斯語辭○此周公既成洛邑而朝諸侯因率之以祀文王之樂歌言於穆哉此清靜之廟其助祭之公侯皆敬且和而其執事之人又無不執行文王之德既對越其在天之神而又駿奔走其在廟之主如此則是文王之德豈不顯乎豈不承乎信乎其無有厭斁於人也

### 清廟一章八句

書稱王在新邑烝祭歲文王駢牛一武王駢牛一實周公攝政之七年而此其升歌之辭也書大傳曰周公升歌清廟苟在廟中嘗見文王者愀然如復見文王焉樂記曰清廟之瑟朱弦而疏越壹倡而三嘆有遺音者矣鄭氏曰朱弦練朱弦練則聲濁越瑟底孔也疏之使聲遲也倡發歌句也三嘆三人從歎之耳漢因秦樂乾豆上奏登歌獨上歌不以筦絃亂人聲欲在位者徧聞之猶古清廟之歌也

維天之命於音穆不已於同乎音不顯文王之

德之純

賦也。天命即天道也。不已言無窮也。純不雜也。○此亦祭文王之詩。言天道無窮而文王之德純一不雜。與天無間。以贊文王之德之盛也。子思子曰：維天之命，於穆不已。蓋曰天之所以為天也。於乎不顯，文王之德之純。蓋曰文王之所以為文也。純亦不已。程子曰：天道不已。文王純於天道，亦不已。純則無二無雜，不已則無間斷先後。

假春秋傳以溢春秋傳我我其收之駿惠我文

### 王曾孫篤之

何之為假聲之轉也。恤之為溢字之訛也。收受駿大惠順也。曾孫後王也。篤厚也。○言文王之神將何以恤我乎。有則我當受之。以大順文王之道。後王又當篤厚之而不忘也。

### 維天之命一章八句

維清緝熙文王之典肇禋音迄用有成維

### 周之禎

賦也。清清明也。緝續熙明肇始禋祀迄至也。○此亦祭文王之詩。言所當清明而緝熙者。文王之典也。故自始祀至今有成實。維周之禎祥也。然此詩疑有闕文焉。

### 維清一章五句

烈文辟音璧公錫茲祉福惠我無疆子孫保之

賦也。烈光也。辟公諸侯也。○此祭於宗廟而獻助祭諸侯之樂歌。言諸侯助祭使我獲福。

則是諸侯錫此祉福而惠我以無疆使我子孫保之也

無封靡于爾邦維王其崇之念茲成功繼序其

皇之

封靡之義未詳或曰封專利以自封殖也靡汰侈也崇尊尚也戎大皇大也○言汝能無錫福于汝邦則王當尊汝又念汝有此助祭也

無競維人四方其訓之不顯維德百辟其刑之

於烏乎前王不忘

又言莫強於人莫顯於德先王之德所以人不能忘者用此道也此戒飭而勸勉之也中庸引不顯惟德百辟其刑之而曰故君子篤恭而天下平大學引於乎前王不忘而曰君子賢其賢而親其親小人樂其樂而利其利此以沒世不忘也

### 烈文一章十三句

此篇以公疆兩韻相叶未審當從何讀意亦可互用也

天作高山大音王荒之彼作矣文王康之彼徂

矣岐沈括曰後漢書西南夷傳作彼岨者岐今按彼書岨但作徂而引韓詩薛君章句亦

但訓為往獨矣正作者如沈氏說然其注未復云岐雖阻僻則似又有岨意韓子亦云彼岐有

之 岨疑或別有所据故今有夷之行叶戶反子孫保

從之而定讀岐字絕句

賦也高山謂岐山也荒治康安也岨險僻之意也夷平行路也○此祭大王之詩言天作岐山而大王始治之大王既作而文王又安之於是彼險僻之岐山人歸者衆而有平易之道路子孫當世世保守而不失也

### 天作一章七句

昊天有成命二后受之成王不敢康夙夜基命

宥密於音烏緝熙單厥心肆其靖之

賦也二后文武也成王名誦武王之子也基積累于下以承藉乎上者也宥宏深也密靜密也於歎詞靖安也○此詩多道成王之德疑祀成王之詩也言天祚周以天下既有定命而文武受之矣成王繼之又能不敢康寧而其夙夜積德以承藉天命者又宏深而靜密是能繼續光明文武之業而盡其心故今能安靖天下而保其所受之命也國語叔向引此詩而言曰是道成王之德也成王能明文昭定武烈者也以此證之則其為祀成王之詩無疑矣

### 昊天有成命一章七句

此康王以後之詩

我將我享維羊維牛維天其右叶音之

賦也。將奉享獻。右尊也。神坐東向。在饌之右。所以尊之也。○此宗祀文王於明堂以配上帝之樂歌。言奉其牛羊以享上帝而曰天庶其降而在此牛羊之右乎。蓋不敢必也。

儀式刑文王之典日靖四方伊嘏文王既

右享叶虛之

儀式刑皆法也。嘏錫福也。○言我儀式刑文王之典以靖天下則此能錫福之文王既降而在此之右以享我祭。若有以見其必然矣。

我其夙夜畏天之威于時保之

又言天與文王既皆右享我矣則我其敢不夙夜畏天之威以保天與文王所以降鑒之乎。  
意乎

### 我將一章十句

程子曰。萬物本乎天。人本乎祖。故冬至祭天而以祖配之。以冬至氣之始也。萬物成形於帝。而人成形於父。故季秋享帝而以父配之。以季秋成物之時也。陳氏曰。古者祭天於圜丘。掃地而行事。器用陶匏。牲用犢。其禮極簡。聖人之意。以為未足以盡其意之委曲。故於季秋之月有大享之禮焉。天即帝也。郊而曰天。所以尊之也。故以后稷配焉。后稷遠矣。配稷於郊。亦以尊稷也。明堂而曰帝所。

以親之也。以文王配焉。文王親也。配文王於明堂。亦以親文王也。尊尊而親親。周道備矣。然則郊者古禮。而明堂者周制也。周公以義起之也。東萊呂氏曰。於天維庶其饗之。不敢加一詞焉。於文王則言儀式其典。日靖四方。天不待贊法。文王所以法天也。卒章惟言畏天之威。而不及文王者。統於尊也。畏天所以畏文王也。天與文王一也。

### 時邁其邦。昊天其子之。

賦也。邁行也。邦諸侯之國也。周制十有二年。王巡守殷國。柴望祭告諸侯畢朝。○此巡守而朝會祭告之樂歌也。言我之以時巡行諸侯也。天其子我乎哉。蓋不敢必也。

### 實右序有周。薄言震之。莫不震疊。懷柔百神。及

### 河喬嶽。允王維后。

右尊。序次。震動。疊懼。懷來柔安。允信也。○既而曰天實右序有周矣。是以使我薄言震之。而四方諸侯莫不震懼。又能懷柔百神。以至乎河之深廣。嶽之崇高。而莫不感格。則是信乎周王之為天下君矣。

### 明昭有周。式序在位。載戢載戢。

側立反

### 干戈載橐。

古刀反

### 弓矢。我求懿德。肆于時夏。

戶雅反

### 允王保之。

戢聚。橐韜。肆陳也。夏中國也。○又言明昭乎我周也。既以慶讓黜陟之典。式序在位之諸



侯又收斂其干戈弓矢而益求懿美之德以布陳于中國則信乎王之能保天命也或曰此詩即所謂肆夏以其有肆于時夏之語而命之也

### 時邁一章十五句

春秋傳曰昔武王克商作頌曰載戢干戈而外傳又以爲周文公之頌則此詩乃武王之世周公所作也外傳又曰金奏肆夏樊遏渠天子以饗元侯也韋昭注云肆夏一名樊韶夏一名遏納夏一名渠即周禮九夏之三也呂叔玉云肆夏時邁也樊遏渠競也渠思文也

執競武王無競維烈不顯成康上帝是皇

賦也此祭武王成王康王之詩競強也言武王持其自強不已之心故其功烈之盛天下莫得而競豈不顯哉成王康王之德亦上帝之所君也

自彼成康奄有四方斤斤其明紀勤 叶謨 反

斤斤明之察也言成康之德明著如此也

鐘鼓喤喤磬筦將將華彭反 叶 胡光反 音 七羊反降福穰

穰如羊反

喤喤和也將將集也穰穰多也言今作樂以祭而受福也

降福簡簡威儀反反既醉既飽福祿來反

簡簡大也。反反謹重也。反覆也。言受福之多。而愈益謹重。是以既醉既飽而福祿之來。反覆而不厭也。

### 執競一章十四句

此昭王以後之詩。國語說見前篇。

思文后稷。克配彼天。立我烝民。莫匪爾極。貽我來牟。帝命率育。叶曰無此疆爾界。叶訖陳常于

### 時夏

賦也。思語詞。文言有文德也。立粒通。極至也。德之至也。貽遺也。來小麥。牟大麥也。率徧育。

養也。○言后稷之德真可配天。蓋使我烝民得以粒食者。莫非其德之至也。且其貽我民以來牟之種。乃上帝之命。以此徧養下民者。是以無有遠近彼此之殊。而得以陳其君臣父子之常道於中國也。或曰。此詩即所謂納夏者。亦以其有時夏之語而命之也。

### 思文一章八句

國語說見時邁篇。

### 清廟之什十篇十章九十五句

### 周頌臣工之什四之二

嗟嗟臣工。敬爾在公。王釐爾成。來咨來茹。

如預

賦也。嗟嗟重歎以深救之也。臣工羣臣百官也。公公家也。釐賜也。成成法也。茹度也。○此戒農官之詩。先言王有成法以賜女。女當來咨度也。

嗟嗟保介維莫之春亦又何求如何新畬音余

於音烏皇來牟將受厥明明昭上帝迄用康年命

我衆人庠持恥反乃錢子淺反鏹音博奄觀銍珍栗反艾

刈音

保介見月令呂覽其說不同然皆為籍田而言蓋農官之副也莫春斗柄建辰夏正之三

月也。畬三歲田也。於皇嘆美之詞來牟麥也。明上帝之明賜也。言麥將熟也。迄至也。康年猶豐年也。衆人甸徒也。庠具錢鏹鏹鉏皆田器也。銍穫禾短鎌也。艾穫也。○此乃言所戒之事。言三月則當治其新畬矣。今如何哉。然麥已將熟則可以受上帝之明賜而此明昭之上帝又將賜我新畬以豐年也。於是命甸徒具農器以治其新畬而又將忽見其收成也。

臣工一章十五句

噫嘻成王既昭假音格爾率時農夫播厥百穀駿

發爾私終三十里亦服爾耕十千維耦叶音擬

賦也。噫嘻亦嘆詞也。明假格也。爾田官也。時是駿大發耕也。私私田也。三十里萬夫之地。四旁有川。內方三十里。有奇。言三十里。舉成數也。耦二人並耕也。○此連上篇亦戒農官之詞。昭假爾猶言格。汝眾庶。蓋成王始置田官。而嘗戒命之也。爾當率是農夫。播其百穀。使之大發。其私田皆服。其耕事萬人為耦。而並耕也。蓋耕本以二人為耦。今合一川之眾。為言。故云萬人畢出。并力齊心。如合一耦也。此必鄉遂之官司稼之屬。其職以萬夫為界者。溝洫用貢法。無公田。故皆謂之私。蘇氏曰。民曰雨。我公田遂及我私。而君曰駿發。爾私終三十里。其上下之間。交相忠愛如此。

### 噫嘻一章八句

振鷺于飛于彼西雝我客戾止亦有斯容

賦也。振羣飛貌。鷺白鳥。雝澤也。客謂二王之後。夏之後杞。商之後宋。於周為客。天子有事。膳焉。有喪拜焉者也。○此二王之後。來助祭。祭之詩。言鷺飛于西雝之水。而我客來助祭者。其容貌脩整。亦如鷺之潔白也。或曰興也。

在彼無惡鳥路在此無斃叶丁庶幾夙夜叶羊

以永終譽

彼其國也。在國無惡之者。在此無厭之者。如是則庶幾其能夙夜以永終。此譽矣。陳氏曰。在彼不以我革其命。而有惡於我。知天命無常。惟德是與其心服。在我不以彼墜其命。

而有厭於彼崇德象賢  
統承先王忠厚之至也

振鷺一章八句

豐年多黍多稌

杜音

亦有高廩

力錦反

萬億及秭

咨履

反

為酒為醴烝畀祖妣以洽百禮降福孔皆

叶舉

反里

賦也稌稻也黍宜高燥而寒稌宜下濕而暑  
黍稌皆熟則百穀無不熟矣亦助語辭數萬  
至萬曰億數億至億曰秭烝進畀予洽備皆  
編也○此秋冬報賽田事之樂歌蓋祀田祖  
先農方社之屬也言其收入之多至於可  
以供祭祀備百禮而神降之福將甚編也

豐年一章七句

有瞽有瞽在周之庭

賦也瞽樂官無目者也○序以此為始  
作樂而合乎祖之詩兩句總序其事也

設業設虞

音巨

崇牙樹羽應田縣鼓鞀

音桃

磬祝

尺叔

反

圉

魚女反

既備乃奏

叶音祖

簫管備舉

以上叶

磬

字

業虞崇牙見靈臺篇樹羽置五采之羽於崇  
牙之上也應小鞀田大鼓也鄭氏曰田當作  
鞀小鼓也縣鼓周制也夏后氏足鼓殷楹鼓  
周縣鼓鞀如鼓而小有柄兩耳持其柄搖之  
則旁耳還自擊磬石磬也祝狀如漆桶以木  
為之中有椎連底捫之今左右擊以起樂者

也。圍亦作敵。狀如伏虎。背上有二十七鉏鋸。刻以木。長尺。櫟之以止樂者也。簫編小竹管。為之。管如篴。併兩而吹之者也。

嗶嗶音橫厥聲。肅雝和鳴。先祖是聽。我客戾止。永

觀厥成以上叶

我客二王後也。觀視也。成樂闋也。如簫韶九成之成。獨言二王後者。猶言虞實在位。我有嘉客。蓋尤以是為盛耳。

有瞽一章十三句

猗於宜反與音余漆沮七余反潛有多魚。有鱣張連反有

鮪叶于軌反鯨音條常音條鯉音偃以享以祀叶逸以介

景福叶筆力反

賦也。猗與歎詞。潛。參也。蓋積柴養魚。使得隱藏避寒。因以薄圍取之也。或曰藏之深也。鯨。白鱈也。月令。季冬命漁師。始漁。天子親往。乃嘗魚。先薦寢廟。季春薦鮪于寢廟。此其樂歌也。

潛一章六句

有來雝雝與公叶至止肅肅。相息亮反維辟音壁公。

天子穆穆

賦也。雝雝和也。肅肅敬也。相助祭也。辟公諸侯也。穆穆天子之容也。○此武王祭文王之詩。言諸侯之來皆和且敬。以助我之祭事。而天子有穆穆之容也。

於音烏薦廣牡。相同上予肆祀。叶養假古雅哉皇考。

綏予孝子。叶燮

於歎詞。廣牡大牲也。肆陳假大也。皇考文王也。綏安也。孝子武王自稱也。○言此和敬之諸侯薦大牲以助我之祭事。而大哉之文王庶其享之以安我孝子之心也。

宣哲維人。文武維后。燕及皇天。叶鐵克昌厥後。

宣通哲知。燕安也。○此美文王之德。宣哲則盡人之道。文武則備君之德。故能安人以及

于天。而克昌其後嗣也。蘇氏曰。周人以諱事神。文王名昌。而此詩曰克昌厥後。何也。曰。周之所謂諱。不以其名號之耳。不遂廢其文也。諱其名而廢其文者。周禮之末失也。

綏我眉壽。介以繁祉。既右烈考。亦

右文母。叶滿

右尊也。周禮所謂享右祭祀是也。烈考猶皇考也。文母大妣也。○言文王昌厥後而安之。以眉壽助之以多福。使我得以右于烈考文母也。

### 雝一章十六句

周禮樂師及徹帥學士而歌徹。說者以為即此詩。論語亦曰。以雍徹。然則此蓋

徹祭所歌而亦名為徹也

載見賢遍反辟音壁王曰求厥章龍旂陽陽和鈴

央央於良反條音條革有鶴七羊反休有烈光

賦也載則也發語辭也章法度也交龍曰旂陽明也軾前日和旂上曰鈴央央有鶴皆聲和也休美也○此諸侯助祭于武王廟之詩先言其來朝稟受法度其車服之盛如此

率見昭考以孝以享叶虛良反

昭考武王也廟制太祖居中左昭右穆周廟文王當穆武王當昭故書稱穆考文王而此詩及訪落皆謂武王為昭考此乃言王率諸侯以祭武王廟也

以介眉壽永言保之思皇多祐後五反烈文辟公

綏以多福俾緝熙于純嘏叶音古

思語辭皇大也美也○又言孝享以介眉壽而受多福是皆諸侯助祭有以致之使我得繼而明之以至於純嘏也蓋歸德于諸侯之詞猶烈文之意也

載見一章十四句

有客有客亦白其馬叶滿反有萋有且七序反敦都回

反琢其旅

賦也客微子也周既滅商封微子於宋以祀其先王而以客禮待之不敢臣也亦語辭也



殷尚白修其禮物仍殷之舊也。妻且未詳傳。曰敬慎貌。敦。豕。選擇也。旅。其。卿。大夫。從行者也。○此微子來見祖廟之詩。而此一節言其始至也。

有客宿宿。有客信信。言授之繫。陟立以繫其馬。

上同

一宿曰宿。再宿曰信。繫其馬。愛之。不欲其去也。此一節言其將去也。

薄言追之。左右綏之。既有淫威。降福孔夷。

追之。已去而復還之。愛之。無已也。左右綏之。言所以安而留之者。無方也。淫威。未詳。舊說。淫大也。統承先王。用天子禮樂。所謂淫威也。夷。易也。大也。此一節言其留之也。

有客一章十二句

於<sup>音烏</sup>皇武王。無競維烈。允文文王。克開厥後。嗣

武受之。勝殷遏劉。者<sup>音指</sup>定爾功。

賦也。於歎辭。皇大。遏止。劉殺者。致也。○周公象武王之功。為大武之樂。言武王無競之功。實文王開之。而武王嗣而受之。勝殷。止殺。以致定其功也。

武一章七句

春秋傳以此為大武之首章也。大武周公象武王武功之舞歌。此詩以奏之。禮曰。朱干玉戚。冕而舞大武。然傳以此詩為武王所作。則篇內已有武王之謚。而

其說誤矣

臣工之什十篇十章一百六句

周頌閔予小子之什四之三

閔予小子遭家不造

叶祖

嬛嬛

其傾

在疚音於

音呼皇考

叶祛永世克孝

叶呼

叶呼

叶呼

叶呼

叶呼

叶呼

叶呼

賦也成王免喪始朝于先王之廟而作此詩也閔病也予小子成王自稱也造成也嬛與榮同無所依怙之意疚衰病也匡衡曰榮旒在疚言成王喪畢思慕意氣未能平也蓋所以就文武之業崇大化之本也皇考武王也歎武王之終身能孝也

念茲皇祖陟降庭止

叶去

維予小子夙夜敬止

皇祖文王也承上文言武王之孝思念文王常若見其陟降於庭猶所謂見堯於牆見堯於羹也楚詞云三公揖讓登降堂只與此文勢正相似而匡衡引此句顏注亦云若神明臨其朝廷是也

於乎

二字

皇王繼序思不忘

皇王兼指文武也承上文言我之所

以夙夜敬止者思繼此序而不忘耳

閔予小子一章十一句

此成王除喪朝廟所作疑後世遂以為嗣王朝廟之樂後三篇放此

訪予落止率時昭考於音平呼悠哉朕未有艾

五蓋反將予就之繼猶判渙維予小子未堪家多

難乃旦反紹庭上下陟降厥家休矣皇考以保明

其身

賦也訪問落始悠遠也艾如夜未艾之艾判分渙散保安明顯也○成王既朝于廟因作此詩以道延訪羣臣之意言我將謀之於始以循我昭考武王之道然而其道遠矣予不能及也將使予勉強以就之而所以繼之者猶恐其判渙而不合也則亦繼其上下於庭陟降於家庶幾賴皇考之休有以保明吾身而已矣

訪落一章十二句

說同上篇

敬之敬之天維顯思叶新夷反命不易以豉反哉叶熒黎反

無曰高高在上陟降厥士日監在茲叶津之反

賦也顯明也思語辭也士事也○成王受羣臣之戒而述其言曰敬之哉敬之哉天道甚明其命不易保也無謂其高而不吾察當知其聰明明畏常若陟降於吾之所為而無日不臨監于此者不可以不敬也

維予小子叶熒里反不聰敬止日就月將學有緝熙

于光明叶謨郎反佛符弗反時仔音茲肩示我顯德行

下孟反叶戶郎反

將進也。佛，弼通。仔，肩任也。○此乃自為答之。之言曰：我不聰而未能敬也。然願學焉。庶幾日有所就，月有所進，續而明之，以至于光明。又賴羣臣輔助，我所負荷之任，而示我以顯明之德行，則庶乎其可及爾。

### 敬之一章十二句

予其懲直升反而忘後患，莫予荂普經反蜂自求辛

螫施隻反肇允彼桃蟲，拑芳煩反飛維鳥，未堪家多

難乃旦反予又集于蓼了音

賦也。懲有所傷而知戒也。忘，慎。荂，使也。蜂，小物而有毒。肇，始。允，信也。桃蟲，鷦鷯，小鳥也。拑，飛貌。鳥，大鳥也。鷦鷯，雛化而為鷗，故古語曰：鷦鷯生鷗，言始小而終大也。蓼，辛苦之物也。○此亦訪落之意。成王自言：予何所懲而謹後患乎？荂，蜂而得辛。螫，信。桃蟲，而不知其能為大鳥。此其所當懲者。蓋指管蔡之事也。然我方幼冲，未堪多難，而又集于辛苦之地。羣臣奈何捨我而弗助哉。

### 小毖一章八句

蘇氏曰：小毖者，謹之於小也。謹之於小，則大患無由至矣。

載芟載柞

側百反叶疾各反

其耕澤澤

音釋叶徒洛反

賦也除草曰芟除木曰柞秋官柞氏掌攻草木是也澤澤解散也

千耦其耘徂隰徂畛

音真

耘去苗間草也隰為田之處也畛田畔也

侯主侯伯侯亞侯旅侯疆侯以有噏

他感反

其饁

于轍反

思媚其婦有依其士

與以叶

有略其耜

叶養里反

俶載南畝

叶滿委反

主家長也伯長子也亞仲叔也旅眾子弟也疆民之有餘力而來助者遂人所謂以疆予

任甿者也。能左右之曰以。太宰所謂閒民。轉移執事者。若今時傭力之人。隨主人所左右者也。噏眾飲食聲也。媚順。依愛。士夫也。言餉婦與耕夫相慰勞也。略利。俶始。載事也。

播厥百穀實由斯活

叶呼酷反

由含活生也。既播之。其實含氣而生也。

驛驛其達

叶佗悅反

有厭其傑

驛驛苗生貌。達出土也。厭受氣足也。傑先長者也。

厭厭其苗。緜緜其庶

表驕反

緜緜詳密也。庶耘也。

載穫濟濟子禮反有實其積子賜反萬億及秣爲

酒爲醴烝畀祖妣以洽百禮

濟濟人衆貌實積之實也積露積也

有飶蒲卽反其香邦家之光有椒其馨胡公之寧

飶芬香也未詳何物胡壽也以燕享賓客則邦家之所以光也以共養耆老則胡考之所也

匪且有且匪今斯今叶音振古如茲無韻未詳

且此振極也言非獨此處有此稼穡之事非獨今時有今豐年之慶蓋自極古以來已如此矣猶言自古有年也

載芟一章三十一句

此詩未詳所用然辭意與豐年相似其用應亦不殊

畎畎楚側反良耜叶養反俶載尺叔反南畝叶滿反

賦也畎畎嚴利也

播厥百穀實由斯活叶呼反

說見前篇

或來瞻女音汝載筐及筥其饗式亮反伊黍

或來瞻女婦子之來  
饁者也筐筥饌具也

其笠伊糾了叶其反其縛音博斯趙直了反以薶呼毛反茶

蓼

糾然笠之輕舉也趙刺薶去也茶陸草蓼水草一物而有水陸之異也今南方人猶謂蓼為辣茶或用以毒溪取魚即所謂茶毒也

荼蓼朽止黍稷茂叶莫反止

毒草朽則土熱而苗盛

穫之挫挫珍栗反積之粟粟其崇如墉其比毗志反

如櫛側瑟反以開百室

挫挫穫聲也粟粟積之密也櫛理髮器言密也百室一族之人也五家為比五比為閭匹閭為族族人輩作相助故同時入穀也

百室盈止婦子寧止

盈滿寧安也

殺時掣如純反牡有掾音求其角叶盧反以似以續續

古之人無韻未詳

黃牛黑唇曰掣掾曲貌續謂續先祖以奉祭祀

良耜一章二十三句

或疑思文臣工噫嘻豐年載芟良耜等篇即所謂豳頌者其詳見於豳風及大田篇之末亦未知其是否也

絲衣其紕孚浮反載弁侏侏音求自堂徂基自羊徂

牛鬲乃代反鼎及鬲叶津反兕觥其觶音求旨酒思柔

不吳音話不敖音傲胡考之休

賦也絲衣祭服也紕潔貌載戴也弁爵弁也士祭於王之服侏侏恭順貌基門塾之基鬲大鼎鬲小鼎也思語辭柔和也吳諱也○此亦祭而飲酒之詩言此服絲衣爵弁之人升

門堂視壺濯盥豆之屬降往於基告濯具又視牲從羊至牛反告充已乃舉鼎冪告潔禮之次也又能謹其威儀不誼譁不怠傲故能得壽考之福

絲衣一章九句

此詩或紕侏牛觶柔休並叶基韻或基鬲並叶紕韻

於音烏鑠式灼反王師遵養時晦時純熙矣是用大

介我龍受之躋躋居表反王之造叶徂反載用有嗣

祠叶音實維爾公允師

賦也於歎辭鑠盛遵循熙光介甲也所謂一戎衣也龍寵也躋躋貌造為載則公事允



信也。○此亦頌武王之詩。言其初有於鏢之師而不用。退自循養。與時皆晦。既純光矣。然後一戎衣而天下大定。後人於是寵而受此。躑躅然王者之功。其所以嗣之者。亦維武王之師。是

### 酌一章八句

酌即勺也。內則十三舞勺。即以此詩為節而舞也。然此詩與賚般皆不用詩中。字名篇。疑取樂節之名。如曰武宿夜云爾。

綏萬邦。屢力注豐年。天命匪解。佳賣桓桓武王。

保有厥士。于以四方。克定厥家。於音昭于天皇。

### 以間之

賦也。綏安也。桓桓武貌。大軍之後。必有凶年。而武王克商。則除害以安天下。故屢獲豐年之祥。傳所謂周饑。克殷而年豐。是也。然天命之於周。久而不厭也。故此桓桓之武王。保有其士。而用之於四方。以定其家。其德上昭于天也。間字之義。未詳。傳曰。間代也。言君天下。以代商也。此亦頌武王之功。

### 桓一章九句

春秋傳以此為大武之六章。則今之篇次。蓋已失其舊矣。又篇內已有武王之諡。則其謂武王時作者。亦誤矣。序以為講武類禡之詩。豈後世取其義而用之。

於其事也歟

文王既勤止我應受之敷時釋思我徂維求定

時周之命於音釋思

賦也。應當也。敷布。時是也。釋尋繹也。於歎辭。釋思尋繹而思念也。○此頌文武之功而言其大封功臣之意也。言文王之勤勞天下至矣。其子孫受而有之。然而不敢專也。布此文王功德之在人而可繹思者。以賚有功而往求天下之安定。又以爲凡此皆周之命而非復商之舊矣。遂歎美之。而欲諸臣受封賞者。繹思文王之德而不忘也。

賚一章六句

春秋傳以此爲大武之三章而序以爲大封於廟之詩說同上篇

於音鳥

皇時周陟其高山墮

吐果反

山喬嶽允猶翕

許及反

河敷天之下裒

蒲侯反

時之對時周之命

賦也。高山泛言山耳。墮則其狹而長者。喬高也。嶽則其高而大者。允猶未詳。或曰允信也。猶與由同。翕河河善泛溢。今得其性。故翕而不爲暴也。裒聚也。對答也。言美哉。此周也。其巡守而登此山。以柴望。又道於河。以周四嶽。凡以敷天之下。莫不有望於我。故聚而朝之。方嶽之下。以答其意耳。

般音盤一章七句

般義  
未詳

閔予小子之什十一篇一百三十六句

詩卷之十九

詩卷之二十

魯頌四之四

朱熹集傳

魯少皞之墟在禹貢徐州蒙羽之野成  
王以封周公長子伯禽今襲慶東平府  
沂密海等州即其地也成王以周公  
大勳勞於天下故賜伯禽以天子之禮  
樂魯於是乎有頌以為廟樂其後又自  
作詩以美其君亦謂之頌舊說皆以為  
伯禽十九世孫僖公申之詩今無所考  
獨閔官一篇為僖公之詩無疑耳夫以  
其詩之僭如此然夫子猶錄之者蓋其  
體固列國之風而所歌者乃當時之事

則猶未純於天子之頌若其所歌之事又皆有先王禮樂教化之遺意焉則其文疑若猶可予也況夫子魯人亦安得而削之哉然因其實而著之而其是非得失自有不可揜者亦春秋之法也或曰魯之無風何也先儒以為時王褒周公之後不比於先代故巡守不陳其詩而其篇第不列於大師之職是以宋魯無風其或然歟或謂夫子有所諱而削之則左氏所記當時列國大夫賦詩及吳季子觀周樂皆無曰魯風者其說不得通矣

駟駟古榮反補反在坳古榮反之野叶上薄言

駟者叶章反有驕戶橘反有皇有驪力知反有黃以車

彭彭叶鋪郎反思無疆思馬斯臧

賦也駟駟腹幹肥張貌邑外謂之郊郊外謂之牧牧外謂之野野外謂之林林外謂之坳驪馬白跨曰驕黃白曰皇純黑曰驪黃駟曰黃彭彭盛貌思無疆言其思之深廣無窮也臧善也○此詩言僖公牧馬之盛由其立心之遠故美之曰思無疆則思馬斯臧矣衛文公秉心塞淵而駮牝三千亦此意也

○駟駟牡馬在坳之野薄言駟者有騅音佳有駟

有駟有騅以車伕伕符丕反思無期思馬斯

才叶前反西反

賦也。倉白雜毛曰騅。黃白雜毛曰駮。赤黃曰駮。青黑曰騏。伾伾有力也。無期猶無疆也。才材力也。

○駟駟牡馬在坳之野。薄言駟者有驪。徒河有

駮。有駮以車。釋釋。灼反。思無斃。灼反。思

馬斯作

賦也。青驪。驪曰驪。色有深淺。斑駁如魚鱗。今之連錢。驄也。白馬黑鬣曰駮。赤身黑鬣曰駮。黑身白鬣曰騅。釋釋不絕貌。斃厭也。作奮起也。

○駟駟牡馬在坳之野。薄言駟者有駮。音有駮。

音遐。叶。有驪。音。有魚。以車。祛祛。起居。思無邪。叶。祥。

反。余。思馬斯徂。

賦也。陰白雜毛曰駮。陰淺黑色。今泥驄也。形白雜毛曰駮。豪駮曰驪。毫在駮而白也。二目白曰魚。似魚目也。祛祛彊健也。徂行也。孔子曰。詩三百一言以蔽之。曰思無邪。蓋詩之言美惡不同。或勸或懲。皆有以使。人得其情性之正。然其明白簡切。通于上下。未有若此言者。故特稱之。以為可當三百篇之義。以其要為不過乎此也。學者誠能深味其言。而審於念慮之間。必使無所思而不出於正。則日用云為。莫非天理之流行矣。蘇氏曰。昔之為詩者。未必知此也。孔子讀詩至此。而有谷於其心焉。是以取之。蓋斷章云爾。

駉四章章八句

有駉

蒲必反

駉駉彼乘

繩證反

黃夙夜在公在公

明明

叶謨郎反

振振鷺鷺于下

叶後五反

鼓咽咽烏玄反醉

言舞于胥樂

音洛兮

興也。駉馬肥強貌。明明辨治也。振振羣飛貌。鷺鷺羽舞者所持。或坐或伏。如鷺之下也。咽與淵同。鼓聲之深長也。或曰鷺亦興也。胥相也。醉而起舞以相樂也。此燕飲而頌禱之詞也。

○有駉有駉駉彼乘牡夙夜在公在公飲酒振

振鷺鷺于飛鼓咽咽醉言歸于胥樂兮

興也。鷺于飛舞者振作。鷺羽如飛也。

○有駉有駉駉彼乘駟

呼縣反

夙夜在公在公載

燕自今以始歲其有

叶已反

君子有穀詒孫子

叶

興也。青驪曰駟。今鐵驄也。載則也。有有年也。穀善也。或曰祿也。貽遺也。頌禱之辭也。

有駉三章章九句

思樂

音洛

音普半反

水薄采其芹

其斤反

魯侯戾止言

觀其旂叶其反其旂蒲害反旂旂呼會反無

小無大從公于邁

賦其事以起興也。思發語辭也。泮水泮宮之水也。諸侯之學鄉射之宮謂之泮宮。其東西南方有水形如半壁以其半於辟廡故曰泮水而宮亦以名也。芹水菜也。戾至也。旂旂飛揚也。噦噦和也。此飲於泮宮而頌禱之詞也。

○思樂泮水薄采其藻魯侯戾止其馬蹻蹻居表反

其馬蹻蹻其音昭昭叶之反載色載笑匪怒伊

教

賦其事以起興也。蹻蹻盛貌。色和顏色也。

○思樂泮水薄采其茆叶謨反魯侯戾止在泮飲

酒既飲旨酒永錫難老叶魯反順彼長道叶徒反屈

此羣醜

賦其事以起興也。茆，鳥葵也。葉大如手，赤圓而滑。江南人謂之蓴菜者也。長道猶大道也。屈服醜衆也。此章以下皆頌禱之詞也。

○穆穆魯侯敬明其德敬慎威儀維民之則允

文允武昭假音格烈祖靡有不孝自求伊祐侯五反

賦也。昭明也。假與格同。烈祖周公魯公也。

○明明魯侯克明其德既作泮宮淮夷攸服叶蒲

北反矯矯虎臣在泮獻馘古獲反叶淑問如臯陶叶

周反在泮獻囚叶夷

賦也。矯矯武貌。馘所格者之左耳也。淑善也。問訊囚也。囚所虜獲者。蓋古者出兵受成於學。及其反也。釋奠於學而以訊馘告。故詩人因魯侯在泮而願其有是功也。

○濟濟多士克廣德心桓桓于征狄他歷反

彼東南叶尼反烝烝皇皇不吳音話不揚不告于訕

凶音在泮獻功

賦也。廣推而大之也。德心善意也。狄猶邊也。東南謂淮夷也。烝烝皇皇盛也。不吳不揚肅也。不告于訕師克而和不爭功也。

○角弓其觶束矢其搜色留反戎車孔博徒御

無斃叶弋反既克淮夷孔淑不逆叶宜反式固爾猶

淮夷卒獲叶黃反

賦也。觶弓健貌。五十矢為束。或曰百矢也。搜矢疾聲也。博廣大也。無斃言競勸也。逆違命也。蓋能審固其謀。猶則淮夷終無不獲矣。



○翩彼飛鴉吁驕反集于泮林食我桑黹尸荏反懷

我好音憬九永反彼淮夷來獻其琛救金反元龜象

齒大賂南金

興也鴉惡聲之鳥也黹桑實也憬覺悟也琛寶也元龜尺二寸賂遺也南金荆揚之金也此章前四句興後四句如行葦首章之例也

泮水八章章八句

閔筆位反宮有恤沉域反實實枚枚赫赫姜嫄元音其

德不回上帝是依叶音隈無災無害彌月不遲叶陳

回反是生后稷降之百福叶筆反黍稷重直龍反穆六音

叶六直反稂徵力反稊菽麥叶訖力反奄有下國叶于逼反俾民

稼穡有稷有黍有稻有秬求許反奄有下土纘禹

之緒象呂反

賦也閔深閉也宮廟也恤清靜也實實鞏固也枚枚礱密也時蓋修之故詩人歌詠其事以為頌禱之詞而推本后稷之生而下及于僖公耳回邪也依猶眷顧也說見生民篇先種曰植後種曰稗奄有下國封於郟也緒業也禹治洪水既平后稷乃始播百穀

○后稷之孫實維大泰音王居岐之陽實始翦商

至于文武纘大王之緒致天之届于牧之野。上叶

與無貳無虞上帝臨女。汝音敦。都回商之旅克咸

厥功。叶居古反王曰叔父。扶兩建爾元子。叶子古反俾侯

于魯大啓爾宇為周室輔。扶兩

賦也。翦斷也。大王自幽徙居岐陽四方之民咸歸往之。於是而王迹始著。蓋有翦商之漸

矣。届極也。猶言窮極也。虞慮也。無貳無虞上帝臨女。猶大明云上帝臨女。無貳爾心也。敦

治之也。咸同也。言輔佐之臣同有其功。而周公亦與焉也。王成王也。叔父周公也。元子魯

公伯禽也。啓開宇居也。

○乃命魯公俾侯于東錫之山川土田附庸周

公之孫莊公之子。叶獎龍旂承祀。叶養六轡耳

耳。春秋匪解。訖音懈享祀不忒。皇皇后帝皇祖

后稷享以騂犧。虛宜是饗是宜。牛奇降福

既多。章移當周公皇祖亦其福女。汝音

賦也。附庸猶屬城也。小國不能自達於天子而附於大國也。上章既告周公以封伯禽之

意。此乃言其命魯公而封之也。莊公之子其

一閔公其一僖公。知此是僖公者。閔公在位不久。未有可頌。此必是僖公也。耳耳柔從也。春秋錯舉四時也。忒過差也。成王以周公

大功於王室故命魯公以夏正孟春郊祀上帝配以后稷牲用騂牲皇祖謂羣公此章以後皆言僖公致敬郊廟而神降之福國人稱願之如此也

○秋而載嘗夏而楅衡叶戶白牡騂剛犧尊將

將七羊反毛魚薄交反載側吏反羹叶盧當反籩豆大房此

當脫一句如鐘鼓惶惶之類萬舞洋洋孝孫有慶叶祛羊反俾爾

熾而昌俾爾壽而臧保彼東方魯邦是常不虧

不崩不震不騰三壽作朋如岡如陵

賦也嘗秋祭名楅衡施於牛角所以止觸也周禮封人云凡祭飾其牛牲設其楅衡是也

秋將嘗而夏楅衡其牛言夙戒也白牡周公之牲也騂剛魯公之牲也白牡殷牲也周公有王禮故不敢與文武同魯公則無所嫌故用騂剛犧尊畫牛於尊腹也或曰尊作牛形鑿其背以受酒也毛魚周禮封人祭祀有毛魚之豚注云爛去其毛而魚之也載切肉也羹大羹鉶羹也大羹大古之羹涪煮肉汁不和盛之以登貴其質也鉶羹肉汁之有菜和者也盛之鉶器故曰鉶羹大房半體之俎足下有附如堂房也萬舞名震騰驚動也三壽未詳鄭氏曰三卿也或曰願公壽與岡陵等而為三也

○公車千乘繩證反朱英綠滕徒登反二矛重

直龍反弓叶姑弘反公徒三萬貝冑朱綬息廉反烝叶

徒增增戎狄是膺荆舒是懲則莫我敢承俾爾

昌而熾俾爾壽而富叶方未反黃髮台背叶蒲寐反壽胥

與試俾爾昌而大叶特計反俾爾耆而艾叶吾蓋反叶五計反

萬有千歲眉壽無有害叶暇憇反

賦也千乘大國之賦也成方十里出革車一乘甲士三人左持弓右持矛中人御步卒七

十二人將重車者二十五人千乘之地則三百十六里有奇也朱英所以飾矛綠縢所以

約弓也二矛夷矛酋矛也重弓備折壞也徒步卒也三萬舉成數也車千乘法當用十萬

人而為步卒者七萬二千人然大國之賦適滿千乘苟盡用之是舉國而行也故其用之

大國三軍而已三軍為車三百七十五乘三萬七千五百人其為步卒不過二萬七千人

舉其中而以成數言故曰三萬也貝冑貝飾冑也朱紱所以綴也增增衆也戎西戎狄北

狄膺當也荆楚之別號舒其與國也懲艾承禦也僖公嘗從齊桓公伐楚故以此美之而

祝其昌大壽考也壽胥與試之義未詳王氏曰壽考者相與為公用也蘇氏曰願其壽而

相與試其才力以為用也

○泰山巖巖叶魚杅反魯邦所詹奄有龜蒙遂荒大

東至于海邦叶卜工反淮夷來同莫不率從魯侯之

功

詩傳卷二十一

賦也。泰山魯之望也。詹與瞻同。龜蒙二山名。荒奄也。大東極東也。海邦近海之國也。

○保有鳧繹叶弋遂荒徐宅叶達至于海邦淮

夷蠻貊叶莫及彼南夷莫不率從莫敢不諾魯

侯是若

賦也。鳧繹二山名。宅居也。謂徐國也。諾應辭。若順也。○泰山龜蒙鳧繹魯之所有。其餘則國之東南勢相連屬。可以服從之國也。

○天錫公純嘏叶果眉壽保魯居常與許復周

公之宇魯侯燕喜今妻壽母叶滿宜大夫庶士

反鉏里 邦國是有叶羽既多受祉黃髮兒齒

賦也。常或作嘗。在薛之旁。許許田也。魯朝宿之邑也。皆魯之故地。見侵於諸侯而未復者。故魯人以此願僖公也。今妻令善之妻。聲姜也。壽母壽考之母。成風也。閔公八歲被弑。必是未娶其母叔姜亦應未老。此言今妻壽母。又可見見公為僖公無疑也。有常有也。兒齒齒落更生細者。亦壽徵也。

○徂來之松新甫之栢叶通是斷音短是度待洛

是尋是尺叶尺松栢音角有鳧叶七路寢孔碩叶常

反約 新廟奕奕叶弋奚斯所作孔曼音萬且碩同萬

民是若

賦也。徂來新甫二山名。八尺曰尋。鳥大貌。路寢正寢也。新廟僖公所修之廟。奚斯公子魚也。作者教護屬功課。章程也。曼長。碩大也。萬民是若。順萬民之望也。

閔宮九章五章章十七句內第四章一章

章八句二章章十句

舊說八章二章章十七句一章十二句一章三十八句二章章八句二章章十句多寡不均雜亂無次蓋不知第四章有脫句而然今正其誤

魯頌四篇二十四章二百四十三句

商頌四之五

契為舜司徒而封於商傳十四世而湯有天下其後三宗迭興及紂無道為武王所滅封其庶兄微子啓於宋脩其禮樂以奉商後其地在禹貢徐州泗濱西及豫州盟猪之野其後政衰商之禮樂日以放失七世至戴公時大夫正考甫得商頌十二篇於周大師歸以祀其先王至孔子編詩而又亡其七篇然其存者亦多闕文疑義今不敢強通也商都亳宋都商丘皆在今應天府亳州界

猗於宜反與余音那與置我鞀音桃鼓奏鼓簡簡行我

烈祖

賦也。猗歎詞。那多置陳也。簡簡和大也。行樂也。烈祖湯也。記曰。商人尚聲。臭味未成。滌蕩其聲。樂三闋。然後出迎牲。卽此是也。舊說以此爲祀成湯之樂也。

湯孫奏假音格綏我思成。鞀鼓淵淵叶於嘒嘒管

聲。既和且平。依我磬聲。於烏赫湯孫叶思穆穆

厥聲

湯孫主祀之時王也。假與格同。言奏樂以格于祖考也。綏安也。思成未詳。鄭氏曰。安我以所。思而成之。人謂神明來格也。禮記曰。齊之日。思其居處。思其笑語。思其志意。思其所樂。思其所嗜。齊三日。乃見其所爲。齊者。祭之日。入室。僂然必有見乎其位。周旋出戶。肅然必

有聞乎。其容聲出戶而聽。愾然必有聞乎。其歎息之聲。此之謂思成。蘇氏曰。其所見聞本非有也。生於思耳。此二說近是。蓋齊而思之。祭而如有見聞。則成此人矣。鄭注頗有脫誤。今正之。淵淵深遠也。嘒嘒清亮也。磬玉磬也。堂上升歌之樂。非石磬也。穆穆美也。

庸鼓有鞀。萬舞有奕。我有嘉客。亦不夷懌。

庸鏞通。鞀。鞀然盛也。奕。奕然有次序也。蓋上文言鞀鼓管籥作於堂下。其聲依堂上之玉磬。無相奪倫者。至於此。則九獻之後。鐘鼓交作。萬舞陳于庭。而祀事畢矣。嘉客。先代之後來助祭者也。夷。悅也。亦。不夷。懌乎。言皆悅懌也。

自古在昔。先民有作。溫恭朝夕。執事有恪。

恪敬也。言恭敬之道。古人所行不可忘也。閔馬父曰。先聖王之傳恭。猶不敢專。稱曰自古。古曰在昔。昔曰先民。

### 顧予烝嘗湯孫之將

將奉也。言湯其尚顧我烝嘗哉。此湯孫之所奉者。致其丁寧之意。庶幾其顧之也。

### 那一章二十二句

閔馬父曰。正考甫校商之名頌。以那為首。其輯之亂曰云云。即此詩也。

### 嗟嗟烈祖有秩斯祐。申錫無疆及爾斯所。

賦也。烈祖湯也。秩常申重也。爾主祭之君。蓋自歌者指之也。斯所猶言此處也。○此亦祀

成湯之樂。言嗟嗟烈祖有秩。秩無窮之福。可以申錫於無疆。是以及於爾。今王之所而脩其祭祀。如下所云也。

既載清酤。賚我思成。亦有和羹。亦既戒既平。假無言時。

靡有爭。綏我眉壽。黃耇無疆。

酤酒。賚與也。思成。義見上篇。和羹。味之調節也。戒。夙戒也。平。猶和也。儀禮於祭祀燕享之始。每言羹定。蓋以羹熟為節。然後行禮。定即戒平之謂也。醴。中庸作奏。正與上篇義同。蓋古聲。奏。族相近。族聲轉。平而為醴耳。無言。無爭。肅敬而齊一也。言其載清酤而既與我以



思成矣。及進和羹而肅敬之至。則又安我以眉壽黃耆之福也。

約軼祈支反錯衡叶戶反八鸞七羊反以假音格

享叶虛反我受命溥將。自天降康。豐年穰穰。來假

格音來饗叶虛反降福無疆

約軼錯衡八鸞見采芑篇。鸞見載見篇。言助祭之諸侯乘是車以假以享于祖宗之廟也。溥廣將大也。穰穰多也。言我受命既廣大而天降以豐年黍稷之多。使得以祭也。假之而祖考來假享之而祖考來享則降福無疆矣。

顧予烝嘗。湯孫之將。

說見前篇

烈祖一章二十二句

天命玄鳥。降而生商。宅殷土芒芒。古帝命武湯。

正域彼四方。

賦也。玄鳥。鳥也。春分玄鳥降。高辛氏之妃有娥氏。女簡狄。祈于郊禱。鳥遺卵。簡狄吞之而生契。其後世遂為有商氏。以有天下。事見史記。宅居也。殷地名。芒芒大貌。古猶昔也。帝上帝也。武湯以其有武德號之也。正治也。域封境也。○此亦祭祀宗廟之樂。而追敘商人之所由生。以及其有天下之初也。

方命厥后。奄有九有。叶羽商之先后。受命不殆。

叶養在武丁孫子。叶獎

方命厥后。四方諸侯無不受命也。九有九州也。武丁高宗也。言商之先后受天命不危殆。

故今武丁孫子猶賴其福。

武丁孫子。武王靡不勝。音龍旂十乘。繩證大禘。

尺志是承。

武王湯號而其後世亦以自稱也。龍旂諸侯所建交龍之旂也。大禘黍稷也。承奉也。○言武丁孫子今襲湯號者其武無所不勝。於是諸侯無不奉黍稷以來助祭也。

邦畿千里。維民所止。肇域彼四海。叶虎

止居肇開也。言王畿之內民之所止不過千里而其封域則極乎四海之廣也。

四海來假。來假祈祈。景員維河。殷受命咸

宜。叶牛百祿是何。音荷

假與格同。祈祈衆多貌。景員維河之義未詳。或曰景山名。商所都也。見殷武卒章。春秋傳亦曰商湯有景亳之命是也。員與下篇幅隕義同。蓋言周也。河大河也。言景山四周皆大河也。何任也。春秋傳作荷。

玄鳥一章二十二句

濬哲維商長發其祥洪水芒芒禹敷下土方絕句

楚辭天問禹降省下土方蓋用此語外大國是疆幅隕音員既長有

反 息容 方將帝立子生商

賦也濬深哲知長久也方四方也外大國遠諸侯也幅猶言邊幅也隕讀作員謂周也有

之君其受命之祥發見也久矣方禹治洪水

以外大國為中國之竟而幅員廣大之時有

契於四方而商之受命實基於此

○玄王桓撥叶必烈反受小國是達叶他說反受大國是

達率履不越遂視既發叶方月反相息亮反土烈烈海

外有截

賦也玄王契也玄者深微之稱或曰以玄鳥降而生也王者追尊之號桓武撥治達通也

受小國大國無所不達言其無所不宜也率

循履禮越過發應也言契能循禮不過越遂

視其民則既發以應之矣相土契之孫也截

○帝命不違至于湯齊湯降不遲聖敬日躋子兮

反 昭假音格遲遲上帝是祗帝命式于九圍

賦也。湯齊之義未詳。蘇氏曰：至湯而王業成，與天命會也。降猶生也。遲遲久也。祇敬，式法也。九圍九州也。○商之先祖既有明德，天命未嘗去之，以至於湯。湯之生也，應期而降，適當其時，其聖敬又日躋升，以至昭假于天，久而不息，惟上帝是敬，故帝命之使為法於九州也。

○受小球，大球為下國綴。張衛流何賀天。

之休不競不綌，不剛不柔，敷政優優，百祿是

適。子由反。

賦也。小球大球之義未詳。或曰：小國大國所贄之玉也。鄭氏曰：小球鎮圭，圭尺有二寸，大球

大圭三尺也。皆天子之所執也。下國諸侯也。綴猶結也。旒旗之垂者也。言為天子而為諸侯所係屬，如旗之繆為旒所綴著也。何荷競強綌緩也。優優寬裕之意。適聚也。

○受小共，大共為下國駿。音峻。莫邦反。

何天之龍，敷奏其勇，不震不動。叶德不。

難不竦，百祿是總。子孔反。

賦也。小共大共，駿厖之義未詳。或曰：小國大國所共之貢也。鄭氏曰：共，執也。猶小球大球也。蘇氏曰：共，珙通，合珙之玉也。傳曰：駿，大也。厖，厚也。董氏曰：齊詩作駿，謂馬也。龍，寵也。敷，奏其勇，猶言大進其武功也。難，竦懼也。

○武王載旆，有虔秉鉞，如火烈烈，則莫我敢

曷。漢書作遏。阿葛反。叶阿竭反。苞有三蘂，五葛反。叶五竭反。莫遂莫

達。叶他悅反。九有有截，韋顧既伐，叶房越反。昆吾夏桀。

賦也。武王湯也。虔敬也。言恭行天討也。曷遏通。或曰曷誰何也。苞本也。蘂旁生萌蘂也。言一本生三蘂也。本則夏桀。蘂則韋也。顧也。昆吾也。皆桀之黨也。鄭氏曰：韋彭姓。顧昆吾己

姓。○言湯既受命，載旆秉鉞以征不義。桀與三蘂皆不能遂其惡，而天下截然歸商矣。初伐韋，次伐顧，次伐昆吾，乃伐夏桀。當時用師之序如此。

○昔在中葉，有震且業，允也天子，降于卿

叶獎里反。

士。鉏里反。實維阿衡，叶戶郎反。實左，音右。又商王

賦也。葉世震懼業危也。承上文而言昔在則前乎此矣。豈謂湯之前世中衰時與允也天子指湯也。降言天賜之也。卿士則伊尹也。言至於湯得伊尹而有天下也。阿衡伊尹官號也。

長發七章一章八句四章章七句一章九

句一章六句

序以此為大禘之詩。蓋祭其祖之所出，而以其祖配也。蘇氏曰：大禘之祭所及者遠，故其詩歷言商之先后，又及其卿士伊尹，蓋與祭於禘者也。商書曰：茲予

大享于先王爾祖其從與享之是禮也  
豈其起於商之世歟今按大禘不及羣  
廟之主此宜為禘祭之詩  
然經無明文不可考也

捷他達

彼殷武奮伐荆楚采面規

入其阻裒蒲侯

荆之旅有截其所湯孫之緒象呂

反

賦也捷疾貌殷武殷王之武也采冒裒聚也  
湯孫謂高宗○舊說以此為祀高宗之樂蓋  
自盤庚沒而殷道衰楚人叛之高宗捷然用  
武以伐其國入其險阻以致其眾盡平其地  
使截然齊一皆高宗之功也易曰  
高宗伐鬼方三年克之蓋謂此歟

維女音汝

荆楚居國南鄉昔有成湯自彼音都

反羌莫敢不來享叶虛莫敢不來王曰商是常

賦也氏羌夷狄國在西方享獻也世見曰王  
○蘇氏曰既克之則告之曰爾雖遠亦居吾  
國之南耳昔成湯之世雖氏羌之遠猶莫敢  
不來朝曰此商之常禮也況汝荆楚曷敢不  
至哉

○天命多辟音璧設都于禹之績歲事來辟勿予

禍適直革

稼穡匪解音懈叶

賦也多辟諸侯也來辟來王也適謫通○言  
天命諸侯各建都邑于禹所治之地而皆以  
歲事來至于商以祈王之不譴曰我之稼穡  
不敢解也庶可以免咎矣言荆楚既平而諸

侯畏服也

○天命降監下與下民有嚴叶五不僭不濫不

敢怠違命于下國叶越封建厥福叶筆

賦也。監視嚴威也。僭賞之差也。濫刑之過也。違暇封大也。○言天命降監不在乎他皆在民之視聽則下民亦有嚴矣。惟賞不僭刑不濫而不敢怠違則天命之以天下而大建其福。此高宗所以受命而中興也。

○商邑翼翼四方之極赫赫厥聲濯濯厥靈壽

考且寧以保我後生叶桑

賦也。商邑王都也。翼翼整敕貌。極表也。赫赫顯盛也。濯濯光明也。言高宗中興之盛如此。壽考且寧云者。蓋高宗之享國五十有九年。我後生謂後嗣子孫也。

○陟彼景山叶所松柏丸丸叶胡是斷音短是遷

方斲叶角是虔松栝音角有榑五連旅楹有閑叶胡

田寢成孔安叶於

賦也。景山名。商所都也。丸丸直也。遷徙方正也。虔亦截也。榑長貌。旅眾也。閑閑然而大也。寢廟中之寢也。安所以安高宗之神也。此蓋特為百世不遷之廟。不在三昭三穆之數。既成始祔而祭之。詩也。然此章與闕宮之卒意略同。未詳何謂。

詩卷之二十一

殷武六章三章章六句二章章七句一章  
五句

商頌五篇十六章一百五十四句

詩卷之二十一終

嘉慶三刻



